



REPUBLIKA E SHQIPËRISË
BASHKIA DELVINË
DREJTORIA E BURIMEVE NJERËZORE

Nr.164 prot.

Delvinë, më 20.01.2023

**SHPALLJE PËR PRANIMIN NË NIVELIN BAZË TË SHËRBIMIT VENDOR TË MZSH-së, BASHKIA DELVINË
(LUFTUES /SHPËTUES)**

Niveli minimal i arsimit: "*arsim i mesëm*"

Në bazë të Ligjit nr.152/2015 "Për shërbimin e mbrojtjes nga zjarri dhe shpëtimin" neni 14; VKM nr. 350, datë 19.4.2017 "Për trajtimin me pagë dhe shtesa mbi pagë të punonjësve të shërbimit të mbrojtjes nga zjarri dhe shpëtimin"; VKM nr.520, datë 25.07.2019 "Për miratimin e rregullores për shërbimin e mbrojtjes nga zjarri dhe shpëtimin" Kreu III, neni 36-; Urdhërit nr.134Prot, datë 17.01.2023, datë 16.06.2021 "Për shpallje vendesh të lira pune në Sektorin e Shërbimit të MZSH-së, Bashkia Delvinë " të kryetarit, Njësia e Burimeve Njerëzore, shpall procedurën e pranimit në nivelin bazë të shërbimit vendor të MZSH-së për pozicionet:

- 2(dy) pozicione punë luftues/shpëtues;

Afati për dorëzimin e dokumentave për

**PRANIM NË NIVELIN
BAZË:**

03.02.2023

Përshkrimi përgjithësues i punës për pozicionet si më sipër është:

1. **Luftues/shpëtues** , (luftues, shpëtues,) është personi i trajnuar profesionalisht për të ndërhyrë në shuarjen e zjarreve dhe shpëtimin e jetës së njeriut , të gjësë së gjallë dhe të pronës. Është në varësi të komandantit të shërbimit dhe mban përgjegjësi: - për marrjen dhe dorëzimin e shërbimit, - njohjen mirë të detyrës së tij funksionale, - marrjen e sinjalit të alarmit dhe veprimin me shpejtësi dhe saktësi, - pozicionimin në formacion luftimi, zbatimin e detyrave dhe të

urdhërave të drejtuesit të operacionit, - bashkëpunimin dhe bashkërendimin e punës me kolegët, si dhe me forcat e tjera operationale, - dhënien prioritet ruajtës dhe shpetimit të jetës së njerëzve.

1 PRANIMI NË NIVELIN BAZË

Kanë të drejtë të aplikojnë për këtë procedure të gjithë kandidatët që nuk janë pjesë e shërbimit të MZSH-së, të cilët përmbushin kriteret e përgjithshme dhe aftësive fizike.

1.1 KRITERET E PËRGJITHSHME

Kandidatët duhet të plotësojnë kushtet për pranim në nivelin bazë si vijon:

1. të jetë shtetas shqiptar;
2. të ketë zotësi të plotë për të vepruar;
3. të jetë në gjendje të mirë shëndetësore dhe i/e aftë fizikisht për të kryer detyra me rrezik të shtuar;
4. të mos jetë i përjashtuar nga shërbimi zjarrfikës, policia e shtetit, apo nga institucione të tjera të administratës publike;
5. të ketë mbaruar arsimin e mesëm;
6. të mos jetë i/e dënuar me vendim të formës së prerë për kryerjen e një veprë penale me dashje;
7. të mos ketë rekorde kriminale në organet e policisë dhe prokurorisë;
8. të jetë i/e moshës nën 30 (tridhjetë) vjeç;
9. për gjininë mashkullore, personi duhet të jetë me gjatësi jo më pak se 175 (njëqind e shtatëdhjetë e pesë) cm, ndërsa për gjininë femërore personi duhet të jetë me gjatësi jo më pak se 165 (njëqind e gjashtëdhjetë e pesë) cm;
10. të jetë me peshë trupore që ti përgjigjet raportit të gjatësisë;
11. Të jetë i paisur me dëshmi të aftësisë së drejtimit të automjetit të grupit “C”.
12. Kanë prioritet kandidatët të cilët kanë përfunduar testimin fiziko-profesional dhe kursin përkatës pranë akademisë së sigurisë ose në qendrat e trajnimit zjarrikës dhe kanë vendbanim sa më pranë stationit të MZSH-së, Bashkia Delvinë ;

1.2 DOKUMENTACIONI, MËNYRA DHE AFATI I DORËZIMIT

Kandidatët që aplikojnë duhet të dorëzojnë dokumentat si më poshtë:

1. formular aplikimi do ta tërhiqni pranë Zyrës së Burimeve Njerëzore, Bashkia Delvinë);
2. fotokopje e kartës së identitetit;
3. Një kopje të jetëshkrimit (CV);
4. Një nr kontakti (e-mail) si dhe adresën e plotë të vendbanimit;
5. Dokument zyrtar që vërteton përfundimin e arsimit të mesëm i noterizuar ;
6. dokument të dëshmisë së aftësisë së drejtimit të automjetit të tipit "C" i noterizuar ;
7. certifikatë e gjëndjes gjyqësore ;
8. certifikatë familjare;
9. vërtetim nga gjykata;
10. vërtetim nga prokuroria;
11. certifikata, trajnime profesionale të ndryshme(nëse ka);
12. raport mjeko-ligjor nga autoriteti kompetent, që vërteton “gjëndje të mirë shëndetore dhe i/e aftë fizikisht për të kryer detyra me rrezik të shtuar”;

13. fotokopje e librezës së punës (nëse ka);
14. dokument i lëshuar nga institucionet shëndetësore që vërteton që nuk është përdorues i lëndëve narkotike;
15. fotografi për dokument zyrtar (2.5 x3.5 cm), 2 (dy) copë;

Dokumentat duhet të dorëzohen me postë apo drejtpërsëdrejti pranë Zyrës së Protokoll-Arkivit në Bashkinë Delvinë, brenda dates 03.02.2023

1.3 REZULTATET PËR FAZËN E VERIFIKIMIT PARAPRAK

Në datën **20/02/2023**, Njësia e Menaxhimit të Burimeve Nerëzore të institucionit ku ndodhet pozicioni për të cilin ju dëshironi të aplikoni do të shpallë në stendën e njoftimeve në ambientet e jashtme të bashkisë dhe në faqen zyrtare të internetit të institucionit www.bashkiadelvine.gov.al, **listën e kandidatëve që plotësojnë kriteret e përgjithshme të përcaktuara në ligj dhe në rregullore, si dhe datën vendin dhe orën e saktë ku do të zhvillohet testimi me shkrim.** Në të njëjtën datë kandidatët që nuk i plotësojnë kriteret e përgjithshme të përcaktuara në ligj dhe në rregullore, do të njoftohen individualisht nga njësia e menaxhimit të burimeve njerëzore të institucionit ku ndodhet pozicioni për të cilin ju dëshironi të aplikoni, për shkaqet e moskualifikimit *(nëpërmjet adresës së e-mail).*

Kandidatët e skualifikuar kanë të drejtë të ankohen te pranë Burimeve Njerëzore në Bashkinë Delvinë brenda 5(pesë) ditëve, duke filluar nga data 20.02.2023.

1.5 FAZAT E KONKURIMIT

Kandidatët e kualifikuar për të vazhduar procesin e pranimi në shërbimin e MZSH-së do u nënshtrohen fazave të konkurimit si më poshtë:

- a) testimi me shkrim;
- b) testimi i aftësive fizike;
- c) intervistë me gojë
- d) testim psikologjik
- e) verifikim përfundimtar i aplikantit;

a.) FUSHAT E NJOHURIVE, AFTËSITË DHE CILËSITË MBI TË CILAT DO TË ZHVILLOHET TESTIMI ME SHKRIM

Kandidatët do të vlerësohen në lidhje me:

- Ligjin nr.139/2015, date 17.12.2015 “Per vetëqeverisjen vendore”;
- Ligjin nr.152/2015 “Për shërbimin e mbrojtjes nga zjarri dhe shpëtimin”;

- Rregulloren nr.520, datë 25.07.2019 "Për miratimin e rregullores për shërbimin e mbrojtjes nga zjarri dhe shpëtimin";

Lista e kandidatëve të kualifikuar për fazën e testimit shkrim, që kanë marrë mbi 70% të pikëve në testimin me shkrim, do të publikohet më datë 03.03.2023 në ambientet e jashtme të bashkisë dhe në faqen zyrtare të internetit të institucionit www.bashkiadelvine.gov.al

Në të njëjtën ditë do të publikohet edhe data, vendi dhe ora e saktë ku do të zhvillohet testimi fizik, intervista me gojë dhe testimi psikologjik.

Kandidatët që nuk janë kualifikuar për fazën e testimit fizik, do të njoftohen individualisht nga njësia e menaxhimit të burimeve njerëzore të institucionit, për shkaqet e moskualifikimit (nëpërmjet adresës së e-mail), kanë të drejtë të riaplikojnë për t'u pranuar në shërbimin e MZSH-së, me shpalljen e radhës së vendeve të lira.

b.)

AFTËSITË DHE CILËSITË MBI TË CILAT DO TË ZHVILLOHET TESTIMI FIZIK

Kandidatët do të vlerësohen në lidhje me:

- I. peshën dhe gjatësinë trupore;
- II. përgatitjen fizike (testin e vrapit dhe testin e përgjithshëm të muskujve);

shënim: kandidati duhet të paraqitet në ditën e testimit me uniformë të rregullt sportive

Lista e kandidatëve të kualifikuar që kanë marrë mbi 60 (gjashtëdhjetë) pikë në testimin fizik, do të publikohet më datë 06.03.2023 në ambientet e jashtme të bashkisë dhe në faqen zyrtare të internetit të institucionit www.bashkiadelvine.gov.al.

c.)

AFTËSITË DHE CILËSITË MBI TË CILAT DO TË ZHVILLOHET INTERVISTA ME GOJË DHE TESTIMI PSIKOLOGJIK

Kandidatët do të vlerësohen në lidhje me:

- I. aftësitë për të menduar, analizuar, komunikuar dhe për të marrë vendime;
- II. aftësitë për të reaguar në mënyrën e duhur në kushtet e një stresi minimal;
- III. përshtatshmërinë për t'u bërë punonjës i shërbimit të MZSH-së;

Lista e kandidatëve të kualifikuar që kanë marrë mbi 50 (pesëdhjetë) pikë në intervistën me gojë dhe testimin psikologjik, do të publikohet më datë 13.03.2023 në ambientet e jashtme të bashkisë dhe në faqen zyrtare të internetit të institucionit www.bashkiadelvine.gov.al.

d.) VERIFIKIMI DHE VLERËSIMI PËRFUNDIMTAR I KANDIDATËVE

Rezultati përfundimtar i kandidatëve do të përcaktohet si shumatore e rezultateve si më poshtë:

- a) testimi me shkrim, intervista me gojë dhe testimi psikologjik përbëjnë në total 50% të rezultatit të përgjithshëm;
- b) testimi fizik përbën në total 50% të rezultatit të përgjithshëm;

Lista përfundimtare e kandidatëve sipas pikëve të grumbulluara në rend zbritës do të publikohet më datë 14.03.2023 në ambientet e jashtme të bashkisë dhe në faqen zyrtare të internetit të institucionit www.bashkiadelvine.gov.al.

Fituesi do të ndjekë procedurat e mëtejshme për pranim në MZSH-së. Në bazë të orjentimeve për zbatimin e programit vjetor të stërvitjes 2023 të dërguar nga Drejtoria e Përgjithshme MZSH-së, Shërbimit vendore të MZSH-së kanë për detyrë që për punonjësit që pranohen në shërbimin zjarfikës përgatitet program trajnimi specifik dy javor për përgatitje intensive dhe pas përfundimit të këtij programi del urdhëri i pranimi.